

Protocol no. 69
Sezzüda da lündeschdi, als 1. lügl 2013 20.00 - 23.00

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 68 da la sezzüda dals 18 gün 2013 vain approvà.

615 021 FABRICA
Din Stalvies; remissa Sot Crusch, refabricaziun dal stadi existent

L'acconsentimaint davart l'uffizi per il svilup dal territori dal Grischun (BAB) ais avantman. In basa da quai e da la proposta da la cumischiun conced'ìl Cussagl il permiss da fabrica.

616 021 FABRICA
Swisscom; antenna (müdamaint ed ingrondimaint da l'antenna;
Tele Rätia; müdamaint da la frequenza) parcella nr. 1529, Sent

L'acconsentimaint davart da l'uffizi per il svilup dal territori dal Grischun (BAB) sco eir davart da l'uffizi per la protecziun da la natüra ais avantman. In basa da quai e da la proposta da la cumischiun conced'ìl Cussagl il permiss da fabrica.

617 021 FABRICA
Marco e Jachen Erni, sbodamaint e rimplazzamaint dal tet e
manteqnimaint da las fatschadas

Il temp da publicaziun ais scadü ed i nu sun entradas ingünas protestas. La cumischiun ha trattà la dumonda e suottametta quella in sen positiv al Cussagl. Il permiss vain concess. Cundiziun: Il permiss resp. las cundiziuns davart la chüra da monumaints dal Grischun fuorman üna part integranta dal permiss da fabrica.

618 217.311 Chasa da scoula, sala da gimnastica
Indriz da musica e megafon, dumonda da credit da fr. 10'000.00

Our da motivs da spargnar as vaiva l'on passà strichà quella somma our dal preventiv, sperond cha l'indriz existent funcziun'amo. Uossa as haja constatà, cha quel nu funcziuna insomma na plü ed uschè suottamett'ìl cussagl da scoula la dumonda da credit per far quell'investiziun, chi'd ais importanta. In basa da las offertas s'amunta la somma a fr. 8'800.00 incl. i.p.v. Per accessoris sto gnir quintà cun ca. fr. 1'200.00. Il Cussagl conced'ìl credit cun vusch unanima.

619 830

TURISSEM

Tablas dal lö Sent; restructuraziun e definaziun dals lös

La cusgliera dal dicasteri, Marianne Werro, preschaint'ün concept da signalisaziun, erigi davart dal TESSVM. Las tablas existentas ston gnir rimplazzadas, causa la nova fuormaziun previssa. Il Cussagl discuta lasupra ed eir supr'il s lös cha las duos tablas pudessan gnir plazzadas (a Crusch ed a Scuol).

Per trattar la fatschenda in möd conclusiv bsögna quai amo d'ulteriurs sclerimaints culla TESSVM, quai chi vain surdat a la respunsabla da far.

620 942.503

Stabilimaints possess da finanzas

Stabilimaint Posta, büro da trafic

Il Cussagl as retira sülla charta dals respunsabels dal turissem da Sent dals 20 favrer 2012. Resümond resulta da quella, cha'l turissem ais bain pront da far müdada in mettend però cundiziuns.

Per sclerir la fatschenda culs respunabels dal Turissem Sent decid'il Cussagl da salvar üna aboccamaint.

621 720

ALLONTANAMAIN D'IMMUNDIZCHAS

Svödada dals containers privats

A chaschun da si'ultima sezzüda vaiv'il Cussagl trattà la problematica, dimena cha chertüns affarists recloman sur dal fat, ch'els hajan da pajar la taxa cumünala (fr. 20.00) pro svödada da lur containers. Sco ün dals argumaints ais eir gnü manzunà, cha l'hotel Val Sinestra ha survgni ün moloc e cha quel nu haja da pajar la taxa da svödada.

Il Cussagl tir'in consideraziun cha l'hotel Sinestra rumischa e mantegna la via da Val Sinestra fin pro l'ur dal god (Vita-parcours) ad agens cuosts. Quel fat resguard'il Cussagl sco ün cler motiv da desister da l'inchasch da la taxa da svödada cumünala, chi nu sta in ingüna relaziun culs gronds cuosts cha l'hotel ha da surtour pella via.

622

DIVERSAS SCHEFS

Disc – Golf

Quel sport ais ün nouv trend in Engiadina Bassa. Il silvicultur prevezza da realisar in vicinanza dal parc da suas üna piazza per quel. Uossa dumond'el al Cussagl da pudair montar 8 chaistas per trar aint ils discs. Quellas servan be d'ürant la stagiun da stà e gnissan levadas d'ürant l'inviern. Seguond indicaziun dal silvicultur nu naschan pel cumün ingüns cuosts. Il Cussagl va d'accord in fatschenda, manzuna però cha la montascha dess gnir fatta in möd ch'ella nu's cuntrafà culla zona da god resp. eir cun quella da protecziun.

Plazza davant la Baselgia / refacziun ed imbellimaint

Il schef da fabrica, Dumeng Jann ed il manader tecnic, Christian Poo han fat üna visita occulara cul impressari a regard ün'offerta. Ils cuosts totals s'amuntan a raduond fr. 35'000.00. Per quellas lavuors ais però previs i'l preventiv üna somma da fr. 25'000.000. Pel dicasteri «imbellimaint vias e plazzas» - adöver Plaz ais pervissa i'l preventiv üna somma da fr. 20'000.00. Il Cussagl decida da scurznir quella sün fr. 10'000.00 e d'utilisar fr. 10'000.00 per quist proget, uschè cha'l credit necessari füss avantman.

A regard fuormaziun da la piazza vain amo trattà culla chüra da monumaints dal Grischun. A regard permiss da fabrica bsögna quai eir pel cumün l'üsità proceder, dimena publicaziun, plans documainta e.o.p.

623

ORIENTAZIUNS

Marianne Werro

Ella orientescha supra diversas radunanzas e sezzüdas, a las qualas ella ha fat part :

Radunanza generala chasa puntota dals 29 mai 2013

Nouva presidenta Ursina Mengiardi

Entradas ca. 5'3 mil., guadogn fr. 18'600.-

Sortidas pustüt cuosts da persunal Fr. 4,2 mil.

Rad. gen. BAW Bregaglia Soglio als 15 gün 2013

S-chavd fr. 35'516.76, ca. 80 persunas da tuot il Chantun han fat part. La soc..BAW ha 30 mandaders regiunals, per nossa regiun ais quai Regula Bollier.

Rad. gen. Gurlaina SA GUSA als 19 gün 2013

Guadogn da bilantsch fr. 211.--. In avegnir as redüaran las entradas da Scuol = consequenza da spargnar. Eir pro la halla da glatsch sun previssas masüras da spargn, p. ex. – persunal.

Tout il cussagl administrativ: Hans Marti, Mario Molinaro, Jon Dumenic Parolini, president, Leta a Porta, Cla Riatsch vizepresident e Marianne Werro vegnan reelets in globo.

IG tourismus Engiadina Bassa e Val Müstair als 25 gün 2013 i'l BES

Diversas orientaziuns dals cumüns: p.ex. Ftan pevezza da metter ad ir ün Skill Mountainbike-Parcour.

Orientaziun: Üna fusiun surleivgess la finanziaziun da la DMO.

Urs Wohler rend'attent da metter ad ir las sendas ed ils muossavias. Illa Val Sinestra saran div. muossavias in nosch stadi. M. W. s'occupa da quai culs respunsabels.

Rad.gen.avuadia ufficiala EB / VM als 29 gün a Zernez

Maja Zimmermann ha orientà supra il gir. Id ha dat bleras annunzchas novas sco eir mortoirs, quai chi declera il grond pensum administrativ. Ella e la secretaria, Rosa Punt, han frequentà ün cuors per gnir introdüttas illa nouva ledscha d'avuadia.

Capo, Albert Mayer

Eir el ha fat part a diversas sezzüdas ed occurrenzas ed orientesch'in chosa.

CSEB

Gurlaina SA

Visita occulara a regard situaziun e sanaziun dal clucher. Il stadi pretend'üna sanaziun. Sco prüm vain uossa erigi ün parair dal perit cun indicaziun dals cuosts. La somma s'amuntarà a ca. fr. 1,5 miu. I vain eir scleri a regard üna contribuziun davart la chüra da monumaints.

Festivitats 100 ons ferrovia retica.

Energia Engiadina; Guarda, Lavin e Susch sun gnüts tuts sü pro'ls cumüns concessiunaris. Emil Müller, Capo da Susch, figüra nouv i'l cussagl administrativ.

Di da las portas avertas dal servezzan forestal dal Grischun meridional a Zuoz.

Vicecapo, Andri Poo

El vaiva fat part a la radunanza dal BES. Il deficit s'amunt'a fr. 1 miu. Il motiv pella reducziun da las entradas ais statta la serrada causa las lavuors da fabrica. Il cumün da Scuol contribuüscha fr. 710'000.00, uschè cha'l deficit as redüa a raduond fr. ¼ miu.

L'actuar:
Marco Fallet

Il Capo:
Albert Mayer